

DE JURISDICTIONE

Episcoporum quo ad Ecclesias Parochiales Regularium, & Personas curam animarum subditorum Sæcularium in eis exercentes.

BENEDICTUS EPISCOPUS

SERVUS SERVORUM DEI.

Ad perpetuam rei memoriam.



220236 III



In mandis atque asserendis Ecclesiasticæ Disciplinæ regulis studiosè intenti Prædecessores Nostri Romani Pontifices, consueverunt, peculiaribus rerum aut temporum necessitatibus animadversis, ad generalis providentiæ curam animum adijcere, easque Apostolicas Constitutiones opportunè promulgare, quibus gliscentes morum corruptelas refecarent, & inordinatas humanæ arrogantiae præsumptiones reprimerent, Cui rei obtinendæ utilissimum planè experti sunt, vel antiqua Patrum constituta renovare, interpretari, aut declarare, vel competentium Romanæ Curie Tribunalium, sive Congregationum judicata & responsa colligere, confirmare, aut in aliquibus remittere, eademque prudenter atque aptè conciliare, si quando inter ea non satis convenire videretur. Utque antiquiora omittamus exempla, non alia sine ratione feli record: Prædecessor Noster Clemens Papa X per suam Constitutionem, quæ incipit *superna*, datam XI. Kal. Junii Anno M. DCLXX. inhærendo pluribus Congregationum S. R. E. Cardinalium negotiis & consultationibus Episcoporum & Regularium, ac Tridentini Concilii interpretationi auctoritate Apostolica præpositorum, multa constituit circa debitam à Regularibus erga Episcopos Locorum Ordinarios observantiam, & subjectionem, tam inpetenda eorum licentia & benedictione pro Verbi Dei prædicatione in Ecclesiis etiam suorum respectivè Ordinum habenda, quàm in approbatione & facultate ab eisdem obtinenda pro administrando sæcularibus Pœnitentiæ sacramento. Ita pariter se gessit recolendæ memoriæ Prædecessor Noster Innocentius Papa XII. quum ad normam plurium resolutionum Congregationis Concilii præfatæ, certas sacrarum Ordinationum regulas, & singulorum Episcoporum jura in proprios subditos præscripsit, lata Constitutione, quæ incipit: *speculatores*, sub datum pridie Nonas Novembris Anni MDCXCIV.

(88)(88)

1. Hanc ipsam rationem Nos ipsi secuti sumus in Apostolicis Nostriis Literis, quarum initium est; *Sacramentum Penitentiae*, Anno MDC CXLI. Kalendis Junii datis, in quibus nonnulla decrevimus & statuimus adversus Sacerdotes in Sacramentali confessione suos Penitentes ad turpia sollicitantes, juxta declarationes in causis hujus generis, diversis temporibus & casibus prolatas à Congregatione Venerabilium Fratrum Suorum Sanctæ Romanæ Ecclesiæ Cardinalium contra hæreticam pravitatem generalium Inquisitorum. Id ipsum nuperrimè egimus, dum Venerabilibus Fratribus Patriarchis, Archiepiscopis, Episcopis, cunctisque Locorum Ordinariis per Italiam constitutis Encyclicas literas dedimus sub die XIX. Augusti hujusce Anni MDCCLXIV. quarum initium est: *Cum semper oblatas*, quibus, à prædictæ Congregationis Concilii Tridentini Interpretis resolutionibus & placitis neutiquam discedentes, plura declaravimus circa onus, quod habent tum omnes animarum curam gerentes, Missam pro Populo applicandi diebus saltem festis de præcepto; tum etiam Ecclesiarum Cathedralium, & Collegiatarum Canonicis aliisve de earum gremio, Missam Conventualem quotidie pro Benefactoribus in genere specialiter offerendi. Nunc denique hoc idem à Nobis servatum iri declaramus, dum Episcoporum jura, quod attinet ad Visitationem Ecclesiarum Parochialium ad Regularium Monasteria pertinentium, hac Nostra perpetuè valitura Constitutione asserere, atque ut infra, definire & constituere in animum induximus.

2. Animarum curam in sæculares personas exercentes in iis Ecclesiis, quæ Monasteriis seu Domibus Virorum aut Mulierum adnexæ sunt, sive ipsi Regulares sint, sive sæculares, Sacri Tridentini Concilii præscripto, *sess. 25. cap. 11. de Regularibus*, subesse debent immediate in iis, quæ ad dictam curam, & sacramentorum administrationem pertinent, jurisdictioni, visitationi, & correctioni Episcopis; in cujus Diocesi prædicta Monasteria sunt sita, exceptis dumtaxat iis Monasteriis seu locis, in quibus Abbates Generales, aut Capita Ordinum sedem Ordinariam principalem habent, atque aliis Monasteriis, seu Domibus, in quibus Abbates, aut alii Regularem superiores jurisdictionem Episcopalem, & temporalem in Parochos, & Parochianos exercent; salvo tamen eorum Episcoporum jure, qui majorem in prædicta loca, vel personas jurisdictionem exercent.

3. Cum itaque nonnulli sacerdotes ab Episcopali jurisdictione exempti, quos neque Parochos, neque animarum curæ, addictos esse constaret, ausi fuissent aliquibus Christianifidelium matrimoniis interesse, sine prævia Episcopi aut Parochi licentia, quæsitum fuit, utrùm hujusmodi Sacerdotum correctio, atque in eosdem animadversio ad Episcopum, an verò ad eorum superiores, privativè spectaret; cumquæ ii privatum ejusmodi jus ex eo deducerent, quòd Tridentina Synodus locò citatò dum facultatem tribuit Episcopis corrigendi, & puniendi Sacerdotes ab eorum jurisdictione exemptos, in his, quæ ad animarum curam, & Sacramentorum administrationem pertinent, de iis dumtaxat Sacerdotibus loquitur, qui vel Parochi sunt, vel animarum curam exercent, ejusmodi sanè ii non erant, de quibus agebatur: futilem hanc vanamque præsumptionem reprimere statuit fel. record. Prædecessor Noster Gregorius Papa XV. ac de consilio Congregationis Sacri Concilii Tridentini Interpretis, edita Constitutione, quæ incipit *Inscrutabili*, data Nonis Februarii Anno Incarnationis Dominicæ MDCXXII. decrevit ac declaravit, ut deinceps tam Regulares, quàm Sæculares, quomodolibet



licet exempli, sive animarum curam personarum secularium Monasteriis, seu Domibus Regularibus, aut quibusvis aliis Ecclesiis, vel Beneficiis, sive Regularibus sive secularibus incumbentem exercent, sive alias Ecclesiastica Sacramenta aut unum ex illis ministrent, prævia Episcopi licentia, & approbatione, sive quoquo modo in dictæ curæ exercitio, aut in eorundem Sacramentorum, vel alicujus ex illis administratione de facto, absque ulla auctoritate, se ignorent; in his, quæ ejusmodi curam seu administrationem concernunt, omnimodæ jurisdictioni, visitationi, & correctioni Diocesani Episcopi, tanquam Sedis Aplicæ de legati, plene in omnibus subjiciantur.

4. Hac controversia per Constitutionem Gregorianam è medio sublata, non ideo ab aliis quæstionibus & litibus circa idem rerum genus promovendis cessatum fuit, pluraque dubia tam in Congregationibus Sanctæ Romanæ Ecclesiæ Cardinalium, quàm in Auditorio Rotæ, frequenter agitata & resoluta fuerunt, circa peculiare quorundam actuum naturam, an scilicet iidem censendi essent ad animarum curam, seu ad Sacramentorum administrationem pertinere; & consequenter, an Episcopus in visitandis Ecclesiis, quibus imminet animarum cura personarum secularium, possit, nec ne, suam circa hujusmodi actus jurisdictionem exercere; tum etiam, an hoc aut illud Monasterium dici posset ordinaria & principalis Sedes Abbatis Generalis seu Capituli Ordinis, ideoque Ecclesia hujusmodi Monasterio adnexa, quamvis Parochialis foret, Episcopo in visitatione subjecta non esset. Cùm igitur resolutiones in prædictis Curæ nostræ Tribunalibus circa hujus generis quæstiones identitatem captas, earumque rationes & fundamenta, diligenter & consideratè perpenderimus, consilium quoque & sententiam audierimus aliquot ex Venerabilibus Fratribus Nostriis S. R. E. Cardinalibus, aliorumque Virorum in juris Canonici scientia præstantium nonnulla super his de Apostolicæ potestatis plenitudine decernere deliberavimus; ac præsentì Nostri Constitutione inviolabilem quamdam normam præfinire, quâ positâ omnes de cætero lites & controversiæ prædictis de rebus, si fieri possit, penitus eliminentur, atque omnia submoveantur obstacula, quæ debitam Decretorum Sacri Tridentini Concilii executionem in re tam gravis momenti impedire, aut retardare hactenus consueverunt.

5. Optimo sane consilio ab Episcopis Pastoralem visitationem agredientibus præmitti solent in singulæ Diocesis loca aliqui Sacerdotes Missionarii, qui ante ipsorum adventum, prædicationibus verbi Dei & administratione Sacramentorum penitentiae & Eucharistiæ, spiritualem Populorum profectum, & animarum salutem, qui potissimus est Pastoralis visitationis scopus, studeant promovere. Inventi sunt autem ex iis Regularibus, quorum Ecclesiis incumbit Parochialis secularium cura, qui in dubium revocarent, an hujusmodi Missionarios, sive seculares, sive alterius Instituti vel Ordinis Regulares, ab Episcopo missos tanquam visitationis suæ præfatos, in propriis Ecclesiis & Domibus ad exercenda munera ejusdem commissa admittere & recipere ipsi tenerentur. Quod dubium, quum in Congregatione S. R. E. Cardinalium negotiis & consultationibus Episcoporum & Regularium præposita examinatum fuisset sub die XXXI Augusti Anni MDCLXVIII. affirmativè resolutum fuit; ut scilicet prædicti Missionarii etiam à Regularibus Parochis seu Curatis libenter excipi debeant, omnibusque rebus juvari, quibus ad injunctum sibi onus adimplendum opus illis esse contigerit. Quod Nos

§ () §

quoque probamus, auctoritate Apostolica confirmamus, atque in posterum (quoties id opus esse, prudenti Episcopi arbitrio judicatum fuerit) ab omnibus hujusmodi Parochis seu Curatis præcipimus observari.

6. Sed & in ipso visitationis cursu, atque etiam extra illam, aliqui Regulares de suorum privilegiorum & exemptionum indemnitate nimio solliciti, hanc Episcopis controversiam moverunt, utrum his liceret, in ipsorum Regularium Ecclesiis, sive Parochialibus, sive non Parochialibus, Sacramentum Confirmationis administrare; quæ quidem controversia in Congregatione Concilii, partibus plenissime auditis, pro Episcopis decisa fuit, quemadmodum & Nos generaliter & sine exceptione eandem definimus.

7. In exequenda verò Pastoralis visitatione Ecclesiarum Parochialium, quæ à Regularibus administrantur, minimè quidem licet Episcopo omnia Ecclesiarum hujusmodi Altaria visitare, sed illud dumtaxat, in quo Sanctissimum Eucharistiæ Sacramentum asservatur, & consequenter Sacrum ipsum Tabernaculum: Fontem quoque Baptisterii, si adsit; item Confessionale, in quo Parochus ad audiendas confessiones residere solet, Pulpitum Ecclesiæ, è quo Parochus jus habet, verbi Dei, juxta præcipuum ministerii hic munus, annuncians; Sacrarium pariter Ecclesiæ, ad inspiciendum locum, in quo asservatur sacra suppellex, pro Sacramentis tam intra Ecclesiam, quàm extra illam decenter administrandis; sepulchrum excipiendis subditorum Parochiæ corporibus addictum, Cæmeterium Parochianorum humandis cadaveribus destinatum; Turrim Campanariam, dummodo in ea sint Campanæ ad Parochiam propriè spectantes; ac demum præter res supra enuntiatas, omnia sacra vasa, quibus vel particula consecrata servantur, vel sacra Olea sive in Baptismo, sive in extrema Unctione adhibenda, vel aqua Baptisterii, vel alia ritu benedicta, quæ pro ingredientium aspersione ad Ecclesiæ fores poni consuevit.

8. Visitationi locali proxima est ea, quæ personam respicit Parochi, cujus quidem, si Regularis sit, agendi rationem, in iis, quæ spectant ad observationem proprii ipsius Regularis instituti, non est Episcopi inquirere, quum ad ipsius Superiorem Regularem privative id pertineat. Licet tamen Episcopo, vel potius ipsi specialiter incumbit, ipsius Parochi seu Curati, etiam Regularis, vitam ac mores scrutari, quatenus ea, quæ extra Claustrum prodierint, Rectoris animarum exempla, plurimum conferre ad Populi ædificationem, vel contra eisdem obesse maximè possunt, quem admodum alias eadem Concilii Tridentini Congregatio sapienter decrevit, & Nos etiam earundem præsentium tenore decernimus & statuimus.

9. Ad personalem quoque Parochi visitationem, proindeque ad Episcopi jus & officium pertinet ea occasione examinare, an titulo legitimo Parochus etiam Regularis animarum curam exerceat, an residentiæ lex ab eo observata fuerit, atque observetur; an ad sinodum vocatus, iverit; an Congregationes seu Conferentias super casibus conscientiarum haberi solitas frequenter puenet, an onera, quæ secum fert animarum cura, adimpleverit; ac inter alia, an missam pro Populo applicaverit diebus festis de præcepto, an iisdem festis diebus omnia præstiterit, præ à Sacro Tridentino Concilio præscripta sunt, Populum verbi Dei prædicatione, & Pueros in Fidei rudimentis Christianæque doctrinæ præceptis instruendo; an, statis diebus, excipiendis Fidelium confessi-

onibus

onibus vacet; an ægrotantibus, et in extremo vitæ agone laborantibus debita Spiritualia subsidia sedulo præstet, & Sacramenta Ecclesiæ tempestivè conferat; an Pueros & Puellas ante susceptionem Sacramenti Confirmationis, tum etiam ante primam eorum Communionem, opportunis instructionibus erudierit, an priusquam Fideles ad Matrimonia in faciem Ecclesiæ celebranda admittat, debitas inquisitiones adhibuerit, atque adhibeat, quibus tutò deprehendere possit, nullum inter Contrahentes impedimentum existere, eosdemque liberè matrimonio consentire, ac demum in doctrina Christiana, maximè verò in præcipuis Religionis Nostræ Mysteriis, illos instructos esse; denique an Parochus apud se rectè ordinatos retineat libros tum Baptizatorum, ubi fons Baptismalis adsit in ipsius Ecclesia, tum Sacro Chrismate confirmatorum, libros etiam Matrimoniorum, & statûs Animarum.

10. Unò verbò quidquid Episcopus à Parocho sæculari exquirere atque exigere solet ac debet, id omne, (Regulari observantiâ unicè exceptâ) à Parocho Regulari exquirere & exigere potest; atque ubi hunc muneris suo defecisse compererit, opportuna Decreta condere & pronuntiare, ac meritis in eundem pœnas statuere; in quo nihilominus Episcopi facultates minimè privativæ sunt, sed Præsul Regularis jus cumulativum cum ipso habet; ita tamen, ut, si aliter à superiore Regulari, aliter ab Episcopo decerni contingat, hujus, non verò illius, Decretis sit standum; prout aliàs à Congregatione Tridentini Concilii interprete judicatum fuit, Nosque auctoritate Apostolica probamus, confirmamus, atque decernimus. Privativum tamen Episcopi jus est in Parochianorum mores inquirere; ac si quæ inter ipsos scandala oborta fuerint, auditis proborum ac prudentium Virorum sinceris relationibus, de iis cognoscere, eaque opportunis remediis refecare et reformare; nec enim Superioribus Regularibus in huiusmodi sæculares Parochiæ subditos ulla competit jurisdictio.

11. Eveniente autem casu, quo vel Episcopus vel superior Regularis aliquem ex prædictis parochis ab exercitio curæ removendum, eademque privandum esse judicaverint, quoniam huiusmodi Parochis, sine prævia Episcopi approbatione, ad curam animarum accedere nequaquam licet, quamvis à suis Superioribus deputati, iidemque ad nutum sint amovibiles; dubitatum propter ea fuit, an Episcopus posset ad huiusmodi remotiones procedere, sine Superioris Regularis consensu, et an remotionis causas eidem adducere, easque verificare deberet; tum etiam an Regularis Superior ad similem remotionem et privationem suo jure deveniens, consensum Episcopi exquirere, suisque agendi rationes illi notas atque probatas facere teneretur. Qua de re supradicta Congregatio Concilii decrevit, huiusmodi Parochos tam ab Episcopo, quam à Superiori regulari, æquo jure, non requisito alterius consensu ab animarum cura removeri posse, nec unum alteri causas judicii sui aperire, multoque minus probare, et verificare debere. Id quod à Nobis in omnibus approbatur et confirmatur.

12. Postquam verò Tridentina synodus locò superiùs laudatò declaravit, prædictos curatos seu Parochos, tam sæculares, quàm Regulares, animarum curam exercentes in Monasteriis seu Domibus Religiosis, quibus huiusmodi cura personarum sæcularium incumbit, subesse debere immediate, in iis, quæ ad dictam curam, & Sacramentorum administrationem pertinent, iurisdictioni, visitationi & correctioni Episcopi (quod quidem, juxta magis receptam Tribunalium hujus

() ()
Nostræ curiæ sententiam, intelligitur de jurisdictione Episcopi ordi-
naria, non verò delegata) illa tamen Monasteria seu Loca ibidem à
Concilio excipiuntur, in quibus Abbates, aut alii Regularium Superio-
res jurisdictionem Episcopalem & temporalem in Parochos & Para-
chianos exercent; salvo nihilominus eorum Episcoporum jure, qui a-
liam quapiam ex causa seu titulo, majorem in prædicta Loca vel Personas ju-
isdictionem exercent. Quare nonnullis Episcopis contendentibus,
prædictos, sive in Parochianos, aliquem jurisdictionis actum exer-
cere Congregatio Concilii respondit, quod ubi Abbas aut superior
Regularis suam probat jurisdictionem Episcopalem, & temporalem in
ipsos Parochos & Parochianos, & contra Episcopus probare nequit
ampliores in eisdem jurisdictionem ex alio capite sibi acquisitam fu-
isse, abstinere omnino debet Episcopus tam à Visitatione, quam ab
alio quocunque jurisdictionis actu in hujusmodi Parochos & Parochia-
nos. Quod quidem, veluti ipsius Concilii Decretis consonum Nos
etiam Apostolica confirmatione roboramus.

13. Similiter ab Episcopi jurisdictione, visitatione & correctione,
etiam in his, quæ ad Animarum curam & Sacramentorum administra-
tionem spectant, prædicta Sancta Synodus excipit tam seculares,
quam Regulares Parochos, qui Animarum curam exercent in iis
Monasteriis seu Locis, in quibus Abbates Generales aut Capita Or-
dinum Sedem Ordinariam principalem habent. Quæ exceptio, sive
limitatio, pluribus controversiis occasionem præbuit. Et primo, an
ad inducendam hujusmodi exemptionem ab Episcopali visitatione, sa-
tis sit, quod in aliquo Monasterio resideat Abbas Regularis, licet is
Ordinis sui Generalis non existat. Super quo præfata Concilii Con-
gregatio pronuntiavit, non sufficere Abbatis cujuslibet residentiam,
nisi sit Abbas totius Ordinis sui Generalis. Tunc enim Tridentinum
Concilium simplices Abbates, aut Regularium Superiores nominat,
quum ab Episcopi jurisdictione, ac visitatione eximit Parochos Ec-
clesiarum seu Monasteriorum, in quibus Abbates, aut alii Regulares
Superiores jurisdictionem Episcopalem & temporalem exercent;
qua jurisdictione compertum est nonnullos etiam simplices Abbates
aut Superiores Regulares gaudere, quamvis non sint Ordinum Ge-
nerales. De Abbâtibus aut Generalibus, seu Ordinum Capitulis
tunc loquitur eadem Sancta Synodus, quum à jurisdictione, & visita-
tione Episcopali exemptos esse indulget eorum Monasteriorum &
Locorum Parochos, in quibus Abbates Generales prædicti, aut Ca-
pita Ordinum, Sedem Ordinariam principalem habent. Cumque ea
posteriorum judicari & censeri debere statimus: minimè attenta distin-
ctionis nota, quæ in plerisque Concilii Tridentini editionibus im-
pressis apposita conspicitur inter verbum *Abbates*, aliudque *Generales*,
ut pote, quæ nullatenus reperitur in exemplari authentico Auctorum
ipsius Concilii, quod in Archivo Sedis Apostolicæ in Arce Sancti An-
geli asservatur; quodque, ut genuinam hujus loci lectionem certò
cognosceremus, diligenter inspicere fecimus; proindeque à prædictis
exemplaribus impressis eadem distinctionis nota omnino est expun-
genda.

14. Altera quæstio est, an ad obtinendam exemptionem ab Episco-
pali jurisdictione & visitatione, sufficiat, quod aliquod Monasterium,
Supe-

() ()

Superioris Generalis Sedes Ordinaria existat, an verò præterea requiratur, ut ipsum Monasterium sit Caput Ordinis. De quo, quidquid alii opinati fuerint, decernimus sufficere; quòd Monasterium, seu Dominus sit Ordinaria & principalis Sedes Superioris Generalis; prout à Congregatione Concilii constanter judicatum fuit, quum verba Tridentini, de Capitibus Ordinum loquentis, non ad loca, sed ad personas Prælatum Regularium in iis locis residentium referantur.

Tercio dubitari contingit, an exemptio, ab Episcopi visitatione, quam Tridentina Synodus, ut supra, concedit Ecclesiis Parochialibus eorum Monasteriorum, in quibus resident Abbates Generales aut Capita Ordinum, ad alias quoque Parochiales extendatur, quæ prædictis Monasteriis unitæ sunt, & ab eisdem dependent. Sed quum de aliis hisce Ecclesiis unitis taceant Conciliaria Decreta, neque porro eadem ratio honoris cuiusdam & reverentiæ habendæ erga Superiores Ordinum Generales in propriis Monasteriis vel Ecclesiis residentes, locum habeat in aliis Parochialibus, eisdem Monasteriis, ut præfertur unitis; quod pluries Congregatio Concilii censuit, huiusmodi scilicet Ecclesias unitas, minimè exemptas esse à jurisdictione & visitatione Episcopi, quamvis illæ à Parochis Regularibus administrarentur; id ipsum Nos, prædictæ Congregationis resolutionibus inhærentes, decernimus & constituimus.

16. Quæsitum fuit quartò locò, an ratione exemptionis à jurisdictione Episcopi, quæ competit supradictis Rectoribus Ecclesiarum residentialium Superiorum Generalium, & propter eorundem Rectorum omnimodam subjectionem jurisdictioni & correctioni prædictorum Generalium Regularium, jus aliquod, & jurisdictio attributa sit iisdem Superioribus Generalibus in sæculares subditos huiusmodi Ecclesiarum, sive Parochianos; an verò dicendum sit, jus istud ad Episcopum privativè pertinere. Super quod decernimus, Episcopo plenam & privativam jurisdictionem competere in Parochianos, ad eundemque Episcopum pertinere, non solum propriam auctoritatem & consensum (prævio examine per se ipsum, vel per Vicarium suum faciendo) interponere, quotiescunque superior huiusmodi Generalis aliquem sive sæcularem, sive Regularem Parochum seu Curatum, etiam ad nutum amovibilem, ad exercendam in prædictis Ecclesiis Animarum curam personarum sæcularium deputare voluerit; sed etiam si Episcopus huiusce Parochiæ regimen à supradictis Parochis exemptis, sive sæcularibus, sive Regularibus, non rectè administrari cognoverit; posse ipsum, & aliquando etiam debere pro sui Officii munere, apud superiorem Generalem instare, ut Parochum seu Curatum huiusmodi, ab Animarum cura removeat; implorata quoque, quatenus opus sit, Apostolicæ Sedis auctoritate; si nempe Generalem prædictum, aut reluctantem, aut Parocho plus æquo faventem invenerit.

17. Præcipua in hac materia quæstio illa fuit, quænam essent Monasteria, in quibus Abbates Generales, seu Capita Ordinum Sedem Ordinariam principalem habent; contententibus nonnullis, quodlibet Monasterium, aut locum quemlibet, in quo Abbas Generalis, sive Caput Ordinis manet, inibique moratur, Sedem ipsius Ordinariam principalem dici oportere, ita ut ejusdem Monasterii aut Loci Parochus ab Episcopali jurisdictione & visitatione immunis statim fiat. Verum vaga & arbitraria huiusmodi Sedes, quæ à sola Superioris Ge-

(S) (S)

neralis præsentia naturam Sedis Ordinariæ & principalis mutuatur, sum rectæ rationi, tum Concilii verbis ac sensui planè aduersaturus. Quapropter quum Nobis compertum sit, in aliquibus Ordinibus Regularium Constitutionibus assignatum reperiri locum pro Residentia Superioris Generalis, ejusque Curia, in aliis verò Ordinibus, ubi Constitutiones nihil de eo statuunt, eandem residentiam consuetudine esse præfinitam, quoties de Ordinibus hujusmodi Constitutionibus Generalibus agatur, eorum Sedem Ordinariam principalem ad effectum de quo agitur, illam esse, & censi decernimus, quod ipsorum Constitutionibus, vel ab inveterata consuetudine præfinitam, et scribi dignoscitur, idque tantummodo Monasterium, non aliud, in quo, quacunque de causa, Superior Generalis commoratur, de quo pro Ordinaria Generalis Sede haberi præcipimus, licet ipse Generalis ibi actu non resideat.

18. Quodsi aliqui sunt Religiosi Ordines seu Congregationes, quorum Constitutionibus, vel consuetudinibus minime præfinitum sit Monasterium, in quo Abbas Generalis, seu Caput Ordinis residere debeat, nullum Monasterium pro ejusdem Generalis Sede Ordinaria principali, ad effectum eximendi Parochum ab Episcopi jurisdictione & visitatione ex eo tantum haberi debere statuimus, quod solus ipse Superior Generalis in eo degat absque consuetis Ministris, quos in Ordine regendo socios habet; sed illud duntaxat Monasterium pro Sede Generalis Ordinaria principali haberi volumus, quod semel, ipse Superior Generalis seu Caput Ordinis, initio Generalatus, elegerit pro sua stabili residentia, & Officialium seu Ministrorum prædictorum. Verum si, facta semel hujusmodi electione, eandem postmodum variare præsumperit, declaramus, neque Monasterium initio electum, neque alterum, etiam si cum sua Curia eò se transtulerit, privilegia ordinariæ & principalis Generalitatis Sedis habiturum.

19. In omnibus autem præmissis exemptionum casibus, saluum semper atque illæsum esse volumus eorum Episcoporum jus, si qui sunt, qui supradictas Parochiales Ecclesias earumque Rectores visitare consueverint, nimirum tam illas, quæ Monasteriis seu Domibus illis adnexæ sunt, in quibus Generales Ordinum Superiores Sedem Ordinariam principalem, vel à suorum Ordinum Constitutionibus, vel ab inveterata consuetudine præfinitam habent; quam eas, quæ ab ipsis superioribus Generalibus, aliàs pro ordinaria principali residentia fuerint electæ, & nihilominus, hujusmodi residentia durante, Episcopi visitationi, jurisdictioni & correctioni subjectæ fuerint.

20. Decernentes præsentis Nostras Literas, & in eis contenta quæcumque, etiam ex eo, quod quilibet in præmissis, seu eorum aliquo, jus vel interesse habentes, seu habere quomodolibet prætendentes, cujuscvis status, gradus, Ordinis, præeminentiæ, vel dignitatis existant, seu alias specifica & individua mentione & expressione digni, illis non consenserint, nec ad ea vocati & auditi, neque causæ, propter quas eadem præsentis emanaverint, adductæ, verificatæ fuerint, vel sufficienter, aut ullò modò justificatæ fuerint, aut ex alia qualibet, etiam quantumvis juridica, & privilegiata causa colere, prætextu, & capite, etiam in corpore juris clauso, nullo unquam tempore de subreptionis, vel obreptionis, aut nulli

(155)

tais vitio, seu intentionis Nostræ vel interesse habentio
aliove quolibet, etiam quantumvis magno, ac formali &
defectu, notari, impugnari, infringi, invalidari, retractari,
versam vocari, aut ad terminos juris reduci, seu adversus i
tionis oris, restitutionis in integrum, aliudve quodcumque ju
vel gratiæ remedium intentari, vel impetrari, aut etiam motu p
de Apostolicæ potestatis plenitudine simili concessio vel emanato;
quempiam in judicio, vel extra illud uti, seu se juvare ullo modo
posse: sed ipsas præsentis semper firmas, validas, & efficaces existere
& fore, suosque plenarios & integros effectus sortiri, & obtinere, ac
ab illis, ad quos spectat, & pro tempore quodcumque spectabit in
violabiliter & inconcussè observari.

21. Sicque, & non aliter in præmissis censi atque ita per quos
cumque Judices Ordinarios & Delegatos, etiam Causarum Palatii A
postolici Auditores, & Sanctæ Romanæ Ecclesiæ Cardinales, etiam de
Latere Legatos, & Apostolicæ Sedis prædictæ Nuntios, aliove quos
libet quacumque præminencia ac potestate fungentes & functuros,
sublata eis, & eorum cuilibet aliter judicandi, & interpretandi facul
tate, judicari & definiri debere: ac irritum & inane, si secus super his
à quoquam quavis auctoritate scienter vel ignoranter contigerit
attentari.

22. Non obstantibus, quatenus opus sit, Nostra, & Cancellariæ
Apostolicæ regula *de jure quæsito non tollendo*, aliisque Apostolicis, ac
in universalibus, Provincialibus, & Synodalibus Conciliis editis ge
neralibus, vel specialibus Constitutionibus, & ordinationibus; necnon
quibusvis, etiam juramento, confirmatione Apostolica, vel quavis firmi
tate alia roboratis statutis, & consuetudinibus etiam immemorabili
bus, privilegiis quoque, exemptionibus, & indultis, etiam in corpore
juris clausis, aut Literis Apostolicis quibusvis Personis, Collegiis, Lo
cis, Ordinibus, etiam Militaribus, Congregationibus, Societatibus, &
Institutis, etiam Societatis Jesu, & Sancti Joannis Hierosolymitani,
aliive quibuslibet specifica & individua mentione dignis, etiam sub
quibuscumque verborum tenoribus & formis, & cum quibusvis etiam
clausulis & decretis, etiam derogatoriarum derogatoriis & irritantibus
in genere, vel in specie, etiam motu simili, & de Apostolicæ potesta
tis plenitudine, seu Consistorialiter, ac alias quomodolibet in con
trarium præmissorum concessis, ac pluries confirmatis, approbatis &
innovatis. Quibus omnibus & singulis etiam si pro illorum sufficienti
derogatione de illis eorumque totis tenoribus specialis specifica, &
individua mentio, seu quævis alia expressio, ad id servanda foret,
illorum tenores, formas, causas & occasiones præsentibus pro plenè
& sufficienter expressis, & exactissimè servatis & specificatis respecti
vè habentes, illis aliàs in suo robore permanentis, hac vice dunta
taxat, ad præmissorum effectum plenissimè & amplissimè, motu pari de
rogamus, & derogatum esse volumus, cæterisque contrariis quibus
cunque.

23. Volumus insuper, & eadem auctoritate prædicta mandamus,
ut eadem præsentis, & in eis contenta quæcumque ad omnium notitiam
facilius deducantur, nec quisquam de eis ignorantiam prætere
valeat, ipsas præsentis, seu earum transumpta, ad valvas Ecclesiæ S.
Joannis in Laterano, & Basilicæ Principis Apostolorum de Urbe,
nec non Cancellariæ Apostolicæ, Curiaque Generalis Innocentianæ

(109)(109)
neralis presentior, & in Actis Campi Floræ per aliquem ex Con-
s. ut moris est, publicari, & affigi, siquo publicari, &
Quapropter nes & singulos, quos concernunt, seu concernent, in futu-
gularium, unde afficere & arctare ac si unicuique illorum perlocutione
Superioris & notificata fuissent.

Itaque earundem præsentium Transumptis, seu exemplis, et-
impresis, manu alicujus Notarii publici subscriptis, & sigillo
Personæ in Ecclesiastica Dignitate constitutæ munitis, eadem pror-
sus fides tam in judicio, quam extra illud, ubique locorum habeat-
tur, quæ ipsis præsentibus haberetur, si forent exhibitæ, vel ostense.
25. Nulli ergo omnino hominum liceat, paginam hanc Nostrarum
confirmationis, approbationis, innovationis, voluntatis, mandati,
statuti, decreti, & declarationis infringere, vel ei ausu temerario con-
traire. Si quis autem hoc attentare præsumpserit, indignationem O-
mnipotentis Dei, ac B. B. Petri & Pauli Apostolorum ejus se nove-
rit incursum. Datum Romæ apud Sanctam Mariam Majorem, An-
no Incarnationis Dominicæ Millesimo septingentesimo quadragesimo
quarto, Octavo Idus Novembris, Pontificatus Nostri Anno Quinto.

D. Card. Passioneus



Cajetanus Ignatius Sołtyk Dei & Apostolicæ Sedis
Gratia Episcopus Emaussensis nec non Episcopatus
Kiioviensis & Czerniechoviensis Coadjutor. Uni-
versis & singulis notum testatumque facimus præce-
dens exemplum Constitutionis CIX. S. S. D. N. Nri.
Benedicti Papæ XIV. ex Tomo I. ejus Bullarij Ro-
mæ typis S. Congregationis de propagandâ Fide
Anno MDCCXLVI. impressi, fol. 432. diligenter
& fideliter quantum fieri potuit, esse descriptum.
Ac per nos reimprimi Curatum pro Instructione
nonnullorum Regularium in Diœcesi Nostra Curam
Animarum exercentium, & ea, in quibus subsunt
Visitationi, Jurisdictioni, & Correctioni Diœcesani
Episcopi, penitus ignorantium. In quorum fidem
&c. Dabantur Chwałowicijs die 14. Mensis Maij
Ano Domini 1751.

Cajetanus Episcopus.

(L. S.)

